

Lang, Karl Heinrich von, 1764-1835

Reverendi in Christo patris Jacobi Marelli S.J. amores e scriniis
provinciae Superioris Germaniae Monachii nuper apertis brevi libello
expositi

Monachii 1815

Bamberg, Staatsbibliothek -- HV.Coll.10#13
urn:nbn:de:bvb:12-bsb11691489-6

III. 743.

13

REVERENDI IN CHRISTO PATRIS

JACOBI MARELLI S. J.

AMORES

E SCRINIIS

PROVINCIAE SUPERIORIS GERMANIAE

MONACHII NUPER APERTIS

BREVI LIBELLO EXPOSITI

PER

KAROLUM HENRICUM de LANG,

SACRAE CORONAE BAVARICAE EQUITEM,

ET ARCHIVORUM REGNI

SUPREMUM ANTISTITEM.

—
MONACHII



Societ. histor. Bambergae sat.

C191966CXV.

J. STEPHENSON

STATIONER

PRINTED AND SOLD BY

J. STEPHENSON

AT THE SIGN OF THE

STATION

OF THE

STATION

—

STATION

STATION

STATION

Societatem Jesu viris maxime eruditis et morum sanctitate probatis abundasse, quis dubitet? An vero societatis leges, instituta et pueros erudiendi norma nostris jam temporibus et in litteris profectibus consentiant, caute perpendamus, ne excissos stipites revirescere posse stulte speremus. Inter ea, quæ societati ab aliis, jure an injuria, sunt exprobrata, nos de secretiori illa labe agamus, cui boni Patres remedium ferre frustra studuere, effreno scilicet puerorum amore, quo Magistrorum, Professorum, et Confessariorum maxima turba flagrare solebat. Si quis autem atrox illud facinus, quod

quod ex ipsis provinciae superioris Germaniae
scriniis hic jam prodimus, insolens et unicum
tantum existimet, ei nos centum aequae et du-
centa proferre posse testamur, ex quibus in
fine libelli quaedam adhuc subjungamus. Hoc,
cives, vos nescire nolumus. Valete, et ne
hospitibus imprudenter admiffis juventutis vestrae
flores carpendos tradituri fitis, videte! —

—

Reverendo Patri in Christo P. Martino
Müller, Soc. Jesu per Germaniam Supe-
riorem Praeposito Provinciali.

—

Referende in Christo Pater.

Cogor aperire R. V. casum unius ex Nostreis
prorsus lamentabilem, famaeque societatis
maxime exitiosum; idipsum nimirum pro dolor!
accidisse nuntio, quod equidem metuebam hac-
tenus, suspicari tamen de sacerdote tantique
temporis religioso non audebam. Est is P.
Jacobus Marell, *) turpissimus, et ut videri potest,
à complurium annorum affuetudine inveteratus
sodomita, corruptor pessimus juventutis nobi-
lissimae, et, quod abominationis caput est, suo-
rum spiritualium filiorum, pro confessione quos
habet,

*) natus Oeniponti 1. April 1649. Societatem ingressus
7. Sept. 1668. fungens in Societate munere Procu-
ratoris Provinc. Extern. Confessarii et offic. Temp.
vid. Catal. Personarum. An. 1698.

habet, seductor impius. Cum his, ut ex duorum complicum relatione habemus, et hoc et superiore anno peccavit frequentissime, tanta quidem impudentiâ, ut non tantum eos lascive tangeret, verum etiam se ipsum turpissime denudatum illis tangendum et polluendum offerret, eisque in lectum suum coniectis, depositis ante utrinque vestibibus, incubando formalissimam exerceret sodomiam: et non rare cum paulo ante sacra fecisset, vel post facturus esset ad aram, ut ipsimet adolescentes dicerent, formidasse se, ne vel Venerabile tenens populo benedicturus, vel SS. Hostiam elevans fulmine tangeretur. De quatuor modo nobis constat, ex quibus tres perillustres Comites in rhetorica et poesi. Sunt autem alii praeterea, quos tum sanguis illustris, tum insignior forma et nobilitas, super caeteros extollit gymnasii discipulos, ex omnibus scholis à grammatica ad physicam usque, et inter hos duo ephebi Smi. Principis et Episcopi nostri, quibus ipse pariter a confessionibus est (tales enim largis muneribus venabatur) qui aequae frequenter, ac supra memorati, ejus cubiculum accessere, de quibus equidem nobis nondum constat, cum in re tam ardua plures examinando strepitum facere consultum non puta-

putaremus; sed ex his facilis est nec omnino temeraria conjectura de caeteris. Unus eorum, quem scimus, perill. D. Comes à Zeil ante unum vel duos annos ad eadem sollicitatus generose restitit, turpemque conatum aliis Comitibus manifestavit; et haec fortassis inter alias causa esse potuit, cur is adolescens ab Illmo. D. parente scholis nostris exemptus Salisburgum mitteretur ad humaniores litteras ibidem proseguendas. Testari etiam ego possum, quando simul Ratisbonae morabamur per annum, iisdem artibus, quibus hic solet, Illustres ac maxime formosos adolescentes aliis confessariis subtractos ad se pellexisse, etsi mihi de scelere non constaret, utpote talia non suspicanti eoque minus indaganti. Et primum nuper ante paucos menses Dilingâ ad nostrum gymnasium delatus unus ejusmodi formosulus, cum P. Ignatio Erhard confiteri coepisset, ab isto Patre dato insigni munere ad se invitatus est. Hic itaque casus est hominis ut lethalis morbus, dignus utique lacrymis, et, quo fieri potest, remedio simul potenti ac provido curandus, antequam in urbe semi-acatholica cum summo famae nostrae detrimento palam in vulgus erumpat. Nuper enim parum aberat, quin vulgaretur, quando unus ex istis, quibus

quibus cum P. Marell commercium fuit, alios gymnasii discipulos ad eadem flagitia sollicitans, atque ab uno vel altero repulsam passus dixit, nil esse timendum, cum eadem secum jam saepius P. Marell exercuisset; quod dictum jam inter plures sparsum ad aures quoque dicti Patris delatum est, antequam R. P. Rectori innotesceret. Ille igitur authorem cum caeteris ad se vocatum nescio quibus modis adeo permovit, ut revocaret omnia, tamquam falsa à se dicta, coram R. P. Rectore et adolescentibus caeteris, quibus id ante affirmaverat, et iussus suam revocationem scripto confirmaret; adque adeò magno tunc metu liberatum se R. P. Rector credidit. Sed nimis quam verum est, quod ille de se suoque P. Confessario edixerat, nec cum ullo frequentius id perpetratum, quam cum illo Comite humanitatis discipulo, quemadmodum testantur duo pariter Comites ex rhetorica et humanitate, qui haec eadem inter se exercuere atque ulterius in alios propagarunt, quae a suo confessario didicere, adeò quidem, ut ille his diceret, singulis septimanis aliquoties factum à longo jam tempore. Ut autem R. V. etiam perspectum sit, ex qua scientia vel certitudine haec perscribam, significo totam rem, quem-

admo-

admodum narravi, cum omnibus circumstantiis ad me delatam à P. Ignatio Erhart, ad quem duo ex supradictis Perill. Comitibus à potenti ejus suada ex aulae cathedra permoti, suaeque conscientiae stimulis agitati, sponte accesserunt, eique rem totam extra sacrum tribunal, de se et aliis duobus, de quibus ipsis ex ipforum ore constabat, exposuerunt, cum infimis precibus, ut ea celaret, quantum fieri posset; data tamen venia, hac notitia utendi in bonum Patris et societatis, factaque deinde apud eundem P. Ignatium exomologesi generali creduntur jam ad frugem redacti. Cumque bonus pater in tam difficili rerum articulo sibi soli non fideret, sua mecum consilia contulit, omnibusque mature expensis, deoque per sacrificia et preces multum commendatis, unà denique statnimus, rem, uti est, ad R. P. Provincialem, qui forte mutatione hominis miseri, atque in alium locum translatione iuvare commodissime possit, deferre. Ex Nostreis itaque, quantum scimus, nullus praeter nos duos certam rei notitiam habet, ne ipse quidem R. P. Rector, cui id hactenus aperire consultum non putavimus ob duas potissimum causas, una est, quod bonus P. Rector (credo plane ob nimiam simplicitatem) circumduci se a P. Marell et falsis delat-

delationibus inescari et saepius contra insignes collegii patres concitari se aequo gravius patitur, non sine dolore et afflictione eorum patrum, et pacis domesticae turbatione; altera est, quod idem R. P. Rector in corrigendis suorum defectibus nimio zelo et tumultuoso medicandi genere utatur, excandescat nimium ac contra accusatum apud alios per domum murmuret, nec facile excusationem illius admittat, ab alio jam praeoccupatus. Metuimus itaque ne, si rem summo silentio tegendam ipse cum majore strepitu, quam necesse sit, aggrediens, ea vel in vulgus emanet cum summa famae nostrae iactura, vel res suboleat ante tempus, isque pecunia, cujus sat magnam partem ex officio secum habet, eamque hactenus in pueros et munera fane multa et pretiosa pessime expendit, secum abrepta, transfugium ad haereticos molitur, quibus alias plus quam optemus familiaris est, et ita fieret novissimus error peior prioribus. Quid enim non audebit denique conscientia tot criminibus exulcerata, quae an pro sacro tribunali exposuerit, equidem non dixerim. Si tamen videatur R. V. eadem R. P. Rectori quoque aperienda, vel in alios etiam de similibus flagitiis suspectos adolescentes indagandum, nutu

nutu opuserit et seduli exequemur. Consultius tamen nobis videtur, si reus prius a loco moveretur, qui ex nupera infamatione jam omnia suspecta habet, omnes obfidet vias, et illis intendit, qui sui sunt, ne ad quempiam nostrorum patrum forte conscientiae causa deferantur. Forte omnium optime fiet, et cum minimo strepitu, si mutatio ejus ad proximam ordinariam personarum mutationem pariter differatur, ac tunc ab hoc loco abeat, dum praesentes non sunt studiosi, vel si ante id tempus suscipienda videatur, commodum foret, si alicubi ad unum vel alterum mensem cum spe redeundi Augustam, supplere officium aliquod iuberetur. Sed modum suggerat R. V. ipsa spiritus sancti unctio, quam eidem copiosam medullitus exopto, atque una in SS. sacrificia paternosque favores me demississime commendo.

Augustae, 3. Jul. 1698.

Rae Vae

Servus in Christo et
filiorum infimus

Jacobus Banholzer;

P. S.

Rogo demisse, velit R. V. liberare me ab officio Consultoris, quod jam per 4. annos continuos indignus sustinui, et unâ saltem lineolâ certiore reddere de reddita hac epistola mea.

Reve-

Reverende in Christo Pater.

Pax Christi!

Augustae 22. Sept. 1698.

Quandoquidem R. V. ita iubet, summa, qua par est in re gravissima, fidelitate ea nunc significo, quae significaturus primo tempore fuisset, nisi P. Jacobus Banholzer, vir prudens ac religiosus ut constat, et praeterea collegii nostri consultor, quem solum ob rationem infra indicendam consilii petendi causa accedere malui, onus in se suscipere ultro voluisset. Jam vero, quod monet R. V. procul a me absit, ut aliud vel minimum hic revelem, quam quod salvo confessionis sacro sancto sigillo possum, et exinde aperire etiam teneor: possum autem omnia quaecunque personam P. Marelli circa ea, quae cum duobus certe et indubitate peccata sunt, concernunt; hanc enim potestatem mihi adolescentes complices ultro et iterato fecerunt, ac propterea etiam extra sacrum tribunal omnia saepius repetierunt, id unum rogantes, ut nomini suo parceretur a me apud alios, quos ista scire necesse non esset.

Horum primus est Perill. D. Crafftus Wilhelmus Comes ab Oettingen, cui ego a principio
hujus

hujus anni scholastici a confessionibus sum, ita dirigente ejus moderatore, maxime semper sollicito, ne P. Marellō uteretur, eo usque, ut aliquando mandaverit D. Comiti in mea aliorumque absentia potius a confessione abstineat, quam P. Marellum, ad quem propendebat, accederet. Id quod mihi ex post facto suspicionem movit, moderatorem jam dudum odorem aliquem percepisse eorum, quae jam scripturus sum. Hic itaque ill. adolescens, tum pietate tum literis ac moribus semper hactenus laudatissimus, altera post Pascha Dominica conscientiae stimulis agitatus (causam ipse attribuit concioni, quam ad discipulos nostros de perdita ovicula imperitus fane habui) ad me praeter morem sine moderatore veniens fatetur ultro, se anno priore et initio praesentis aliquoties (in numero definiendo fuit inconstans, unde mitiori vocabulo utor) cum P. Marellō mutuis contactibus peccasse et jam longo tempore quietem nullam se ob id capere potuisse; et quidem se hoc fecisse plectum et timore quodam reverentiali, quo contradicere huic viro non esset ausus. Hunc enim sibi appropinquantem libatis osculis, et solutis paulatim togae interioris nodulis ac fibulis, sceleratas primo verendis admovisse manus, porrecto interim libro

libro, profanis imaginibus pleno; subinde ut idem apud se (P. Jacobum) audacter faceret, invitasse, toto in hunc finem referato pectore sinuque; tandem cum obsecundasset trepidus et rogans, ut saltem fenestris siparium obduceret, successisse ipsorum etiam corporum conjunctionem. Atque hoc asseveravit saepius ac diversis vicibus, cumque de gravitate rei, si viro religioso detrahere praesumeret, identidem à me moneretur; cum gemitu respondit, utinam vera non essent! et mox puerili innocentia: nunquid enim haec omnia jam olim aliquatenus in confessione aperui, si vera non essent, cur meipsum in re tam turpi accusarem? Ego vero increpitum tacere de confessione iussi, haec enim nihil huc facere, caeterum si ultro consentiret, usurum me forte etiam ista licentia, prout necessitas requireret, in bonam famam societatis. Assensus est facile, modo citra suam infamiam, maxime apud R. P. Rectorem, utpote apud quem hactenus optimo loco fuisset. Post haec ne quidem rogatus a me de aliis, subjunxit: quaeso, R. V. iuvet etiam miserum Comitem Antonium Fugger, qui jam pridem eodem morbo laborans miris modis angitur. Quibus invicem ego reposui: habet ipsum P. Marellium Confessarium? Veniet nihilo-

hilominus, me hortatore, excepit ille, certo ad R. V. singularem enim et ipse ex nupera et hodierna concione fiduciam concepit; modo R. V. annuat. Annui et factum est ita. Venit enim ille altero mox die anhelus et gemens, maximoque animi candore simul et dolore, quem a miserante deo provenire manifeste sensi, talia detexit, quae sine horrore et pudore scribi legique non possunt; horrendas scilicet et perfectas sodomias, et quod in religioso et confessorio consequitur, conjuncta sacrilegia et aliquales cum filio spirituali incestus. Difficile est hic particularia referre, quia tamen ad convincendum hominem, ut R. V. scit, facere possunt, addo sequentia: 1. petiisse et hunc adolescentem, ut vela fenestris obduceret, ne quis forte praetereuntium (habitat enim P. Marell in infima domus contignatione, in loco ubi frequens est transitus) curiosos oculos etiam per clausos fenestrarum orbes immittere possit; 2. hoc praestito et obducto etiam ianuam pessulo, quin et obstructo foramine claviculari P Marellum impudentissime primum D. Comitem adolescentem caeteroquin innocentissimum et propter pietatis famam, qua specialiter floret, nunc congregationis praefectum, omnibus prorsus

fus vestibulis, intimis etiam exuisse, postea se ipsum denudasse turpissime, concubuisse in propinquo mensae lectulo et sic (quod Comes ipse addidit) finito, vel potius turbato a pulsantibus ianuam flagitio, corpora polluta linteo lectuario fuisse absterfa; 3. tum demum exploratis diligenter omnibus utrinque discessum esse non sine pretioso plerumque donario. Numerum et hic mihi non definivit, quod signum est saepius utique quam semel contigisse. Uterque vero istorum Comitum mihi affirmavit, multo hoc rarius secum contigisse, quam apud Comitem Rupertum itidem Familiae Fuggerianae; id enim sibi ex propria illius confessione constare, etiam postquam palinodiam hic cecinisset apud R. P. Rectorem, de quo velut aliunde haud dubie R. V. nota, nil memoro; immo idem constare ejusdem moderatori, à quo tamen gravissima interminatione tacere iussus esset Rupertus. Potuissim facillimum hunc tertium Comitem habere fatentem, nolui tamen, diffusus scilicet notae loquacitati, per quam haud dubie post iteratas quaestiones ejusmodi rumor aliquis ad plures vel complices vel alios, vel, quod maxime cavendum erat, ad ipsum P. Marellum, quem ad ultimum frequentare perrexerat, emanasset. Et haec
ipsa

ipsa demum, mea potissima ratio fuit celandae totius rei etiam apud R. P. Rectorem, etiamque, quid facto opus esset, consulendi. Verebar enim, ne vultu saltem dolorem et mutatam animam proderet apud reum, vel in plures testes ipse inquireret, vel quod pejus futurum erat, per P. Praefectum juberet inquiri, uti factum est paulo ante in hac eadem materia, non sine evidenti ac proximo periculo diffamationis nostrae; jam enim undique resonabant ora puerorum de Ruperti Comitum aliorumque complicum dictis factisque mussitantium. Evocabantur enim tempore fane importuno ex ipsis scholis testes a P. Praefecto alii innoxii et rerum inscii in examen vocabantur. Casus fuit optabilis, quod Rupertus data etiam syngrapha dictum suum retraxerit, alias vae! jam nobis apud haereticos dudum exulceratos! Propter hanc eandem rationem etiam ego tunc ab omni ulteriore indagine penitus abstinui, omnia dissimulans et pisce magis mutus, imposui ad haec sub interminatione peccati mortalis utrique Comitum silentium et D. Antonio quidem auctor fui, ut porro confessionem suam apud P. Marellum ad cavendum majus malum perageret; item utrumque serio commonefeci, ut, si quid

deinceps hac de re alios miffitare audirent, continuo referrent ad me, quod et promiferunt; apud me longo post tempore nunquam vifi. Tandem rediit Comes ab Oettingen duosque novos commilitones detexit, Rhetorem unum Fr. Xav. Sattler, alterum Humaniftam, Joannem Georgium Bottner, et hunc nobilem, Praefecti in Einlingen (fi loci bene memini) filium, ac mercede unius floreni a P. Marelllo conductum, id quod puer hic ipfe faffus effet his verbis: Der Teufel foll ihn heimführen, wann es nit wahr fey! Miser hic juvenis non ita pridem altum lamentante D. Parente ob alias non abfimiles rationes (nam de his nihil aliis conftat) nuper e Gymnafio nostro amandatus eft. Haec iterum non alia certitudine, quam ex relatione Dom. Comitum Oettingenfis. Caeterum rei univerfae probabilitatem magnam citra temerariam fufpicionem alicujus facere poffunt fequentia: 1. quod hic turpis rumor primo eruperit a D. Comite Ruperto multis caeteroquin muneribus P. Jacobo devincto; 2. quod illud retractatum licet poftea duo alii Comites itidem Patris amici ultro poft habita fui nominis, faltem apud aliquos fama, detexerint; 3. quod hi alique adolefcentes formofiores dudum, non fine querelis aliorum

aiiorum Patrum, cubiculum P. Marelli frequen-
taverint, ipseque Rupertus deprehensus sit exi-
re, cum paulo ante janua obferata et sine clave
esset; 4. quod pridem in discessu suo P. Hailand
aperte dixerit, se bona conscientia nulli juve-
num suadere posse, ut confiteatur P. Marellum;
quod illum dixisse saepenumero admiratus sum; 5.
quod omnes fere templi nostri Confessarii jam
pridem apud R. P. Rectorem conquesti sint,
se ab experientia habere, P. Marellum gravissima
omni genere scelera in consuetudinariis dissimu-
lare, nulla penitus facta admonitione; 6. quod
docuerit, ut ab ipsis duobus hisce confitentibus
postea primum audivi, licere ista omnia, modo
absit consensus in voluptatem, quo quid stultius!
et quietismo similis! 7. denique (ut alia omit-
tam) quod uterque saepe memoratorum Comi-
tum paratus sit, quam primum iussi fuerint,
omnia recensita syngrapha sua ac sigillo proprio
confirmare. — Atque haec ex imperio et vo-
luntate R. V. summa, qua decuit fide ac sim-
plicitate, scripsi; nulla prorsus erga virum hunc,
sinistra affectione impulsus, ut à quo nunquam
offensus sum, sed potius plurima obsequia ac
optimam semper voluntatem expertus sum; ita
testor intimum conscientiae meae arbitrum Deum,

cui et hodie antequam haec scriberem et hactenus semper rem istam in sacrificio Missae commendavi. Ad extremum addo rem hactenus feliciter suppressam in eo esse ut erumpat, nisi mature abstrahatur P. Marellus; fatetur ipse R. P. Rector, difficillimum sibi esse, dolorem non prodere vultu saltem NB. Hinc jam videntur crevisse Marellio suspiciones; et nescio qui in Collegio rumores quaeſtiunculae fieri incipiunt de P. Marellio, resuscitata apud nonnullos veteri de Comite Ruperto historia. Deus avertat, ne inaudiat P. Marellus, antequam in tuto est, et procul ab haereticis. Verum haec R. V. ac potissimum divinae providentiae relinquo; quam dudum supplico, ut me aliosque in sua gratia ac R. V. toti Provinciae conservet incolumem; cujus SS. sacrificiis me demississime commendo. R. V. Servus in Christo.

Ignatius Erhart.

Reverende in Christo Pater.

Pax Christi!

Accepi et ego literas a P. Willi; sed praeter negotium cum amico Benkart longius, pauca solum significat de missis ad R. V. Lazari literis, ex conglobatis mendaciis ac perjuriis fraudibusque conflatis. Rescripsi illi hodie bene longas totamque stropham detexi, ac ne dubium ullum haerere possit, addidi, me trium Comitum attestations nomine singulorum separatim subscriptas R. V. mississe, quod etiam facio, unaque R. V. communico, quod hodie mane honestus sacerdos Burgundus, Comitis Ruperti Praefectus P. Erhard confidenter dixit, nempe siluisse se Societatis amore, et silentium Comiti suo imperasse, certum vero se esse, quod si familiae capita scirent, quam turpiter et quam saepe abusus sit innocentis parvuli simplicitate, Sie würden Jhn ohnsehlbar massacriren lassen. Hoc termino usus est, monuique P. Willi, ut casu quo Romam veniret, de hoc ipso periculo Lazarum admoneret. De offensa, quam ego incurrerim seria reprehensione et admonitione, ne Comes Rupertus Augustam rediret et ad studia, se
res

res ita habet. In meo cubiculo ante biduum interrogatus, quid senserit, candide respondit: Ich hab Euer Hochwürdt woll nichts vor vbel gehabt, sonder gedenkt, wann der P. Rector wisset, was ich weiß, würd Er viel anderst reden; factusque est, se paulo antequam ad me veniret, convenisse P. Lazarum, qui per omnia obtestatus est, ut constans maneret in sua revocatione, et hunc in finem remississe debitum V. florenorum, quos illi per annum mutuos dederat ad varia puerilia, inscio morum praefecto coëmenda. Factum igitur optime, quod R. V. cunctationes omnes abruperit et executioni cursum suum, reliquerit. Certum omnino, quod quidquam turpe de Com. Antonio relatum fuit, id omne commissum alias cum hoc complice fuerit. Utinam laetior scribendi occasio aliud argumentum subministraret, sed necessitas cogit ad haec. Interea me S. S. sacrificiis R. V. me collegiumque totum humillime commendo.

Augustae 26. Dec. 1698.

R. V.

Servus in Christo

Christoph. Osterpeutter, (Rector)

P. S. Sumtus Collegio solvendi pro Lazari dimissione
 Sartori pro vestitu 38 fl. 47 kr.
 Netrici pro tela lintea 6 - — —
 Viaticum 60 - — —
 quae solvantur R. P. Rectori Monacensi aut
 P. Superiori Eberisberg. proxime.

Ego

Ego infra scriptus testor, illa, quae de me ac P. Marellis Superioribus retulit Pater N. N. ultro a me huic cum omnibus circumstantiis detecta fuisse, addita facultate, omnia manifestandi iis, ad quos pertineret, salva tamen apud alios fama mea. E contra testor falsam et confictam quoad omnia esse illam, quam de cilicio induendo P. Marellus contexuit fabulam, quamque, ut ego ipse pari mendacii tenore recantarem, inducere tentavit literis clam ad me datis, sed a Superioribus, divina haud dubie disponente providentia interceptis, in quibus praeter alia triginta etiam sacrificia in fraudis ac mendacii mercedem promisit. — Pariter testor, vanum prorsus esse, quod in sui defensionem attulit ab humanitate mea, ipsi sub anni scholastici finem a me plusquam alias exhibita; hoc enim totum feci eo consilio, ne vir iste ullam ante tempus rei manifestatae suspicionem caperet, indeque, quod timebamus, ne ad desperata consilia in urbe semi — acatholica se improvise converteret. Atque haec aliaque specialia paratus sum oretenus confirmare coram Superioribus S. J., si veritas porro à periuro in dubium traheretur.

Augustae Vind. 26. Dec. a. 1698.

Crafft Wilhelmus Maximilianus Antonius
Comes in Oettingen.

Ego

Ego infra scriptus testor, ea, quae a me aliquando etiam scripto negata, postea vero aliunde detecta sunt, et per Patrem N. N. Superioribus fuerunt relata de me et P. Marelllo, verissima esse, itaque prorsus se habere, prout dictus P. N. N. retulit. Paratus insuper sum, haec eadem et plura speciatim referre et confirmare coram Superioribus S. J. si ad majus ejusdem Societatis bonum, cui promovendo jam olim studuerunt progenitores mei, et ad retundendam negantis ac peierantis audaciam opus esse videbitur; insuper habitis precibus donatisque pecuniis, quibus me P. Marellus sub initium feriarum autumnalium in hypocausto recreationis, ut vocant, juxta oratorium januae propinquum, ut in mendacio coepito peristerem, rogavit et obtestatus est. Dumque haec facio amore Societatis ac veritatis contra perjurium, quamvis non sine mei ipsius apud Superiores confusione, spero vicissim ab his nomini mei apud alios habendam esse rationem.

Augustae Vindel. 26. Dec a. 1698.

Rupertus Antonius Josephus Fugger
Comes in Babenhausen.

Ego infra scriptus testor, me nec vocatum nec interrogatum ab ullo a S. J. sed suasu D. Comitis

tis ab Oettingen familiaris mei, et propria potissimum stimulante conscientia aperuisse ultro ea omnia, quae de me et P. Marelllo, salva, quod rogavi et etiamnum rogo, nominis mei fama apud alios, ad Superiores perscripsit P. N. N. cum omnibus circumstantiis, iisque talibus ac tantis, quae primo fidem dicti P. N. N. longe superarunt, adeo, ut cum adduci vix posset, ut crederet, mihi gravissimam Dei vindictam fuerit minitatus, si in re tam enormi viros religiosos auderem detrahere. At, quemadmodum tunc saepius feci, ita nunc quoque Deum ac conscientiam meam, quae me longo tempore miserum in modum cruciabat, testor, omnia ita se habere, uti ego dixi, ac Pater N. N. meo consensu perscripsit; paratus praeterea sum, omnia singillatim et oretenus confirmare coram Superioribus, si fides illius, qui retulit, et mea in dubium vocaretur. Augustae Vindel. 26. Dec. a. 1698.

Antonius Rupertus Christophorus Fugger,

Comes in Kirchberg et Weissenhorn.

Causam ex Praepositi Generalis Sententia per dimissionem P. Marelli finitam annuae Relationes de 1698. leviter sic tangunt: Unus a societate dimissus. Caeterum purgatum est hoc anno multis fordibus gymnasium, iisque in posterum exesse iussu, qui moribus corrupti indignos se reddiderunt, quod consilium Magistratus Urbicus summopere laudavit.

Ex

Ex multa accusationum copia, de quibus informationes susceptae et Praeposito Generali Romam delatae sunt, notabiliores quasdam hic subjicimus:

- 1.) informatio contra P. Wernerum Ehinger Suevum, ob turpe consortium cum Barone quodam Ratisponensi a 1647. et Soloduri cum juvene venusto, qui plus se mali a Patribus didicisse, quam boni palam iactabat. 1650.
- 2.) contra P. Theodoricum Beck, Cardinalis de Hassia Confessarium, impudici consortii reum, cum juvene I. Pragae, II. Constantiae I. Viennae, V. Heidershemii, I. Friburgi, et cum eo quidem singulis noctibus, pro quibus facinoribus Patri in Collegium revocato injunctum est jejunium sabbatinum. a. 1651 -- 1664.
- 3.) contra P. Has, Friburgi, ob malum commercium cum duobus juvenibus;
- 4.) contra P. Georgium Rauber, Ebersbergae, in quem Praepositi Generalis ista sententia:
inclu-

includatur, et liberetur, quando R. V. iudicabit liberandum; ac tum diligenter caveat, ne ullum in posterum commercium cum pueris aut adolescentibus illi permittatur, immo omnino expediet, ut alio amandetur, ubi sit futurus ignotus. 1654.

- 5.) contra P. Adamum Herler, Constantiae, qui XVII. juvenes, et ex his tres nobilissimos Rhaetos, Planta, Bellizon et Schauenstein turpiter contaminavit, et ad remotius Collegium remissus et relapsus religionem Canonorum Regular. S. Augustini amplecti iussus est. 1655 -- 57.
- 6.) contra P. Mattheum, Friburgi Brisg. ob attentatum in Magistrum quendam facinus. 1656.
- 7.) in M. Francisc. Schlegl, Monachii, ob flagitium in 7. pueros commissum. Denique dimissus et cum literis recommendatiis ad Theol. Studium Viennam profectus. 1659.
- 8.) in P. Ferdinandum Augustae, qui sub specie morbi explorandi Aulae Ancilla abusus est. Decretum Provincialis: Res nemini

mini nisi complicibus nota Romam non deferatur, sed P. Ferdinandus inter parietes meliora edoctus puniatur. 1660.

9.) in P. Michaellem Baumgartner Eustadium. Homo is admodum simplex grammaticam multis annis docuit; post in Collegio Mindelhemii Minister nominatus confitentem rusticam in angulum templi seduxit; Landshuti ablegatus confitentes foeminas ut Cor aperirent hortatus, quod istae obediens de pectore denudando intellexere. Ruri confessiones ancillarum in stabulo excepit ex zelo uti assererebat; mox Dillingam abire et subregentem agere iussus cum vetula septuagenaria negotium habuit puellasque duas, unam piscatricem, netricem alteram portas introduxit, ex quibus una vi se evolvens erupit clamitans: *Wfui Teufel was sind das für Wfaffen!* Dimissus denique et in confiniis Patavii Caplanum agens, receptionem magnopere sollicitavit, obtestans, non jam tantas se libidines intra triginta dies exercere, quam olim unius mensis spatio. A. 1662 — 67.

10.) Imago M. Francisci Remich Straubingae 1666: Nihil praeclare dotis habet, non ingenium,

genium, quod est mediocre, non iudicium, quod est exiguum, non prudentia, quae nulla est, non gratia dicendi, non suavitas morum, non virtus aut fervor spiritus; unde quidam ex Patribus nuper dixit, se tota vita sua non vidisse viliorum Magistrum in Soc. Domi constanter se male gessit — toto die vagus — in schola autem adeo misere, indocte, infulse suos docuit discipulos, ut si errores et imprudentias ejus enarrare vellem, multa charta opus foret. Denique in familiaritate puerorum nimius est; gratiosiores enim intemperanter amat, eorumque amicitia satis crasse et illiberaliter utitur. In templo pro oratione, quam omittit, contemplatur pueros. (Ex Litteris Rectoris Georgii Biegeisen ad Prov. Servilianum Veihelin.)

11.) Informatio in M. Joannem Kees, incestae libidinis accusatum, ubi tempore bachanalium discipulos vestitu scenico induebat;

12.) in P. Christoph Greutter, Praefectum Neuburgensem, qui pueros a se defloratos sede et praemiis caeteris praetulerit. 1667.

13.)

- 13.) in P. Joannem Miotti, Bellizonae, ab eo, quod pueris linguam ori inseruisset, der Züngler vocatum; sed quia bonus Pater extra gymnasium plurimis acceptus et gratus fuit, R. P. Provincialis in sola admonitionis correctione perstitit. 1667.
- 14.) in P. Menardum Kugler, Halae, hominem mendacem, acerbum, superbum, vinolentum et furiosum, qui noctu cubicula Patrum ingrediens eos ad turpia coarctare nititur. Sub clericali vestitu Landavium dimissus. 1667.
- 15.) in P. Karolum Deyring, Landsbergae, cum pueris nimis familiariter agentem, pertinacem, arrogantem, prodigum, audacem in procurandis medicinis et curandis mulieribus. 1667.
- 16.) in M. Georgium Lauth, Monachii, incontinentiae reum, in quo nempe tentationes carnis integro jam septennio singulis prope hebdomatibus bis, ter, quaterve in actum prodirent. 1674. Resp. P. Provincialis Muglinus: Causas istas pro dimissione nondum sufficere.

17.)

17.) in P. Georgium Deininger, Elvaci, hominem simplicem, audacem, vanum, incautum, ob frequentes congressus in latibulis cum uxore Praetoris (Stadtschultheiß) institutos. 1675.

18.) in M. Victorem Wagner, qui ob frequentissimas puerorum corruptiones Monaci peractas, Lucernam in locum M. Ignatii Mändl ob idem crimen dimissi ablegatus, mox ibidem XI. pueros in ipsa cathedra, aspicientibus caeteris, stupravit, palamque docuit, haec sine peccato licere. R. P. Rector pro Societatis fama rem silentio texit, ex quo reus S. Francisco Xaverio votum tulit, singulis diebus cilicium portandi. 1678.

19.) in M. Georgium Bilgram, Landshuti, qui quotidie formosiores juvenes in ipsam cathedram arcessivit et unum vel alterum ex turba suspicientem verbis repressit: Raup, schau in dein Buch, (Taurule, librum inspice!) securiusque ut falleret, chartam vel aliud quidpiam è pulpito dejecit, quod cum tollere omnes discipuli festina-

rent,

rent, ipse puerum incubuit. 1685. „ Ego
 „ Petrus Albertus Winger me à Magistro
 „ Bilgram singulis ferme diebus turpiter
 „ tactum fuisse ac etiam illum crebro in me
 „ incubuisse dico.“

20.) in M. Franc. Xav. Wagner, Constant.
 qui pueros ad pollutiones sollicitavit diver-
 sosque modos docuit. 1690.

21.) in M. Aloyfium Leyden, Affingensem, Dil-
 lingae in gymnasii discipulos foede peccan-
 tem, quorum numerus jam scitur septenarius,
 inter quos et illustres et perillustres. 1690.

22.) in P. Felicem Poli, Casuum Doctorem, Ra-
 tissonae ob intimam conjunctionem cum
 Reverendissima Domina Maria Theresia, Mo-
 nasterii superioris Abbatisa Principissa, ad
 cujus complementum nil nisi publica copu-
 latio deesse videbatur. Rector Collegii
 non nisi maximo labore obtinuit, ut iste
 Welfcher Gockelhahn Tridentum
 abire juberetur, ubi postea Somaschorum
 ordinem amplexus est. 1695.

23.) in P. Jo. Bapt. Zeltner, Professore Rhe-
 torem, Mindelhemii, qui pueris, quos
 virga castigabat, libidinosè abutebatur, mu-
 lieres se egere magnitudine columnarum

coram

coram discipulis iactitabat, carnificis uxorem concupiscebat, in hospitiiis saltabat, puellis annulos donabat. Straubingam abire iussus ibi male audire pergebat. 1696.

24.) in P. Jo. Federer Rectorem Ratisp. qui a. 1694. in maximum Germanicae Dietae scandalum cum puella quadam Ratisponensi dicta die schöne Annemiedel conjunctissime vivens, per P. Poli et Abbatissam Superioris Monasterii (num. 22.) delatus, in locum Rectoris Burghusani transplantatus, ibidem Dominam quandam Anglicanam Professam impraegnavit. Quum hoc probrum ex pio Superiorum consilio omnibus modis tegendum esse censeretur, Reverenda Domina Impraeognata in statum saecularem restituta et impensis Societatis cum pingui dote ablegata est. 1697.

A Monsieur Monsieur le Baron de Hohenkirchen, mon très cher honoré Papa, presentement à Munic: Herzallerliebster Herr Papa: (Stiefvater) Auf langwübriges Bedenken füge ich Ihme endlich an, daß ich auß nachfolgender Ursach nit mehr weiß, in meinem dermaligen Stand zu verbleiben, sin-
tenmalen ich mich mit Herrn P. Rektor, meis-

nem Beichtvater in Burghausen, in dem Laster der Unzucht, sogar in dem Beck selbst, wirklich vergriffen; daher ich Euer Gnaden, meinem herzallerliebsten Herrn Papa, es in allerhöchstem Vertrauen offenbaren wollen, damit mir Elenden und Betrübten durch Dero Macht und Beistand zu meiner Seelen Heil möge geholfen werden, wie ich dann dieses alles Ihro hohen Vernunft will überlassen haben; mich aber zu Dero väterlichen Guad unterthänig empfehl, als Euer Gnaden unterthänige Dienerin und gehorsamstes Kind: Anna Ludovica v. Donnersperch. Geben München, den 16. August 1697.

25.) in M. Ant. Ehinger, Constantiensis, Ambergae, qui jam ab juventute in lubricis moribus pessime versatus Societatem Jesu ob hanc solam causam intravit, quod audivisset, Jesuitas licet omnibus immerfos vitiis, ex speciali Societatis privilegio, coelitus revelato, neutiquam posse damnari. Sed compertus denique, hoc adeo certe non constare, ob inveteratam peccandi consuetudinem recessit. 1698.

26.) in P. Franciscum Baumann, Oelenbergae, qui cum puellis peccavit, exin confessiones

nes earundem de iisdem peccatis excepit et absolutiones largivit, eò quidem sexus applausu, ut aegrotantes noctu eum vocitarent: o Pater Francisce! ubi es? o si adesles! non possum vivere sine te, nec tu sine me. 1699.

- 27.) in Collegii Straubingani Fratrem Janitorem ob crimen procurati abortus. 1700.
 - 28.) in M. Ignatium Wilhelm Monacensem et M. Joh. Bapt. Vischl, Cambensem, perditese amantes. 1701.
 - 29.) in P. Ant. Gump, Friburgi, ob incontinentiam et sacrilegas confessiones 1713.
 - 30.) in M. Mich. Schöech, Altenstatt. Rhoetum, Ingolstadtii, ob difficultatem in servanda castitate 1713.
 - 31.) in M. Julium Pellanda, Landsb. sic enormiter cum pueris delinquentem, ut insanus genas eorum morderet 1713.
 - 32.) in P. Josephum Maier, quinquagenarium Biburgi Ecclesiastem, puellas, unam XV. alteram XI. annorum sub crepusculum vespertinum convenientem. 1723.
 - 33.) in P. Franc. Mahon, Alfatum, in sacro tribunali foeminas sollicitantem. Augustae 1723.
-

1. The first of these is the fact that the
the second is the fact that the

THE UNIVERSITY OF CHICAGO PRESS